

<p>SENARAI PEMBERITAHUAN PRODUK – INSURANS SEMUA RISIKO KONTRAKTOR (Sila baca Senarai Pemberitahuan Produk ini sebelum anda membuat keputusan untuk mendapatkan <u>Insurans Semua Risiko Kontraktor</u>. Pastikan juga anda membaca terma dan syarat-syarat am yang terkandung di dalam polisi).</p>	<p>Rujukan Kami : 01/01/2010 Nama Penawar Khidmat Kewangan : Uni.Asia General Insurance Bhd. Nama Produk : Insurans Semua Risiko Kontraktor Tarikh :</p>
---	---

1. Apakah produk ini?

Semua Risiko Kontraktor ialah satu pelan insurans yang menawarkan perlindungan untuk projek-projek kejuruteraan yang melibatkan pembinaan bangunan, infrastruktur dan kerja kejuruteraan awam yang lain.

2. Apakah perlindungan/ manfaat yang ditawarkan?

Insurans Semua Risiko Kontraktor menawarkan perlindungan terhadap:

- Kerosakan bahan atau peralatan semasa kerja-kerja pembinaan
- Kerosakan dan kerugian pada kilang, jentera and peralatan kontraktor.
- Kerosakan pada hartabenda prinsipal yang sediaada.
- Kerosakan pada hartabenda kepunyaan pihak ketiga dan/atau kecederaan badan yang disebabkan oleh kerja kontrak.

Polisi ini menawarkan perlindungan semasa tempoh pembinaan dan boleh dilanjutkan untuk merangkumi tempoh penyelenggaraan juga. Perlindungan di bawah tempoh penyelenggaraan adalah terhad.

Tempoh polisi adalah untuk jangka masa perjanjian kontrak termasuk tempoh penyelenggaraan. Polisi ini berakhir apabila projek selesai dan diserahkan kepada Prinsipal. Insurans Semua Risiko Kontraktor bukan polisi tahunan oleh itu ia tidak akan diperbaharui.

Lanjutan tempoh kontrak akan dipertimbangkan jika perlu.

3. Berapakah premium yang perlu dibayar?

Jumlah premium yang anda perlu bayar bergantung kepada jenis dan skop kerja serta jumlah nilai kontrak projek.

4. Berapakah yuran dan caj-caj yang perlu dibayar?

Jumlah yuran dan caj-caj yang perlu dibayar adalah seperti berikut:

Jenis	Jumlah
Komisen yang dibayar kepada agen insurans	15 peratus daripada jumlah premium
Duti setem	RM10.00
Cukai perkhidmatan	5 peratus daripada jumlah premium

5. Apakah terma dan syarat-syarat utama yang perlu diberi perhatian?

Terma dan syarat-syarat utama yang perlu diberi perhatian ialah:

Jika berlaku tuntutan, anda mesti

- a) memberi notis dengan telefon atau faks dan juga secara bertulis dengan segera, dan menyatakan sebab dan tahap kerugian atau kerosakan.
- b) mengambil langkah-langkah yang sewajarnya untuk mengurangkan tahap kerugian atau kerosakan.
- c) mengekalkan bahagian yang terjejas untuk di periksa oleh pihak kami atau pengukur.
- d) memberikan semua maklumat dan dokumen yang diperlukan sebagai bukti.

6. Apakah pengecualian utama bagi polisi ini?

- a) Pihak yang diinsuranskan mesti menanggung deduktibel seperti yang dinyatakan di dalam Jadual bagi setiap kerugian atau kerosakan
- b) Kerugian turutan dalam apa jua keterangan termasuk denda, kerugian disebabkan oleh penangguhan, prestasi yang kurang memuaskan, kehilangan kontrak.
- c) Kerugian atau kerosakan disebabkan oleh kesilapan rekabentuk.

- d) Kos penggantian, membaiki kerosakan atau menganalisis kecacatan bahan dan/atau hasil kerja, tetapi pengecualian ini terhad pada barang-barang atau harta benda yang terjejas secara langsung dan tidak dianggap untuk mengecualikan kerugian kerosakan jalan terhadap butiran-butiran yang betul akibat kemalangan disebabkan oleh kecacatan bahan dan/atau hasil kerja.
- e) Kehausan dan kelusuhan, pengaratan, pengoksidaan, kemerosotan akibat jarang digunakan dan tekanan atmosfera yang normal.
- f) Kerosakan mekanikal dan/atau elektrik atau kerugian pembinaan loji, peralatan dan jentera.

(Nota: Senarai ini adalah tidak lengkap. Sila rujuk kepada polisi untuk senarai penuh pengecualian bagi polisi ini.)

7. Bolehkah saya membatalkan polisi saya dan bagaimanakah caranya?

Anda boleh membatalkan polisi anda pada bila-bila masa dengan memberi notis 14 hari secara bertulis kepada syarikat kami. Setelah pembatalan dilakukan, anda layak menerima bayaran balik premium berdasarkan kepada tempoh insurans yang belum luput. Walau bagaimanapun, sebarang bayaran premium minimum yang dibayar bagi polisi tersebut tidak akan dibayar balik.

8. Apakah yang perlu dilakukan sekiranya terdapat perubahan pada maklumat surat-menyurat/maklumat peribadi saya?

Adalah penting anda memberitahu syarikat kami sekiranya terdapat perubahan pada maklumat peribadi anda. Ini untuk memastikan semua surat-menyurat dapat dihantar pada masa yang ditetapkan.

9. Dimanakah saya boleh dapatkan maklumat lanjut?

Sekiranya anda memerlukan maklumat lanjut, sila layari laman web kami di www.uniasiageneral.com.my atau rujuk kepada pejabat cawangan kami.

Untuk sebarang pertanyaan, sila hubungi kami di:

Uni.Asia General Insurance Berhad
Tingkat 9, Menara Uni.Asia,
1008, Jalan Sultan Ismail,
50250 Kuala Lumpur.
Talian Bebas Tol: 1-800-888-990
Tel : 03-2693 8111
Faks : 03-2693 0111
www.uniasiageneral.com.my

NOTA PENTING:

ANDA MESTI MEMASTIKAN BAHAWA HARTABENDA ANDA DIINSURANSKAN PADA JUMLAH YANG TEPAT. ANDA DINASIHATKAN MEMBACA SERTA MEMAHAMI POLISI INSURANS DAN BERBINCANG DENGAN AGEN ANDA ATAU MENGHUBUNGI SYARIKAT INSURANS SECARA TERUS UNTUK MAKLUMAT LANJUT.

Maklumat yang diberikan di dalam senarai pemberitahuan ini adalah sah bermula Mac 2010.